

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON / KANTON SREDIŠNJA BOSNA
KANTONALNO TUŽILAŠTVO/TUŽITELJSTVO TRAVNIK
Broj predmeta: T06 0 KT 0035836 24
Travnik, 27.09.2024.godine

OPĆINSKOM SUDU TRAVNIK
-Sudiji za prethodno saslušanje-

Na temelju odredbe člana 45. stav 2. tačka i) i člana 241. stav 1. Zakona o kaznenom postupku Federacije Bosne i Hercegovine, podižem

OPTUŽNICU

Protiv:
A. M.

Što je:

Dana 15.08.2024.godine oko 19,10 sati u ulici Vjekoslava Karasa, općina Travnik, nasiljem prema drugome ugrozio građanski mir i pri tome jednu osobu lako tjelesno ozlijedio, na način da je u momentu kada je čuo glasnjiju muziku, došao do obrta „Auto Keno“ u vlasništvu K. Š., te otpočeo verbalnu prepirku sa oštećenim R. Š. koji je bio u alkoholisanom stanju te iako svjestan svojih postupaka kao i činjenice da uslijed istih za druge mogu nastupiti štetne posljedice i htijući to, sa namjerom da ga tjelesno ozlijedi istome zadao nekoliko udaraca šakom u predjelu glave da bi potom kada se u ovaj sukob umiješao K. Š, sa namjerom da ih razdvoji, također i oštećenog K. Š svjestan svojih postupaka i činjenice da zbog istih za drugoga mogu nastupiti štetne posljedice i htijući to, i njega fizički napao te mu zadao nekoliko udaraca, nakon čega se udaljio sa mjesta događaja, a oštećeni su pozvali policiji i uputili se u JU Dom zdravlja Travnik radi pružanja medicinske pomoći gdje su im konstatovane lake tjelesne ozljede i to oštećenom K. Š nagnječenje sa krvnim podlivom ispod lijevog oka i oguljotina kože na desnom laktu i desnom koljenu, a kod oštećenog R. Š. je uočeno crvenilo na licu koje bez drugih promjena u vidu otoka, oguljotine i sl. ne predstava tjelesnu ozljedu u medicinsko pravnom smislu

Dakle, nasiljem prema drugome ugrozio građanski mir i pri tome jednu osobu lako tjelesno ozlijedio.

Čime je počinio krivično djelo „Nasilničko ponašanje“ iz člana 362. stav 2. u vezi stava 1. KZ FBiH.